

Termt e Referencës

Ekspert/e për hartimin e Planit trevjeçar të punës (2023-2026) për avokim në fushën e Mjedisit dhe Mosdiskriminimit

Hyrje

Syri i Vizionit (SiV) është regjistruar zyrtarisht si organizatë joqeveritare lokale në shtator të vitit 2001, por ka filluar të funksionojë edhe më herët, që nga viti 1999, si Organizatë e Bazuar në Komunitet (CBO) në komunën e Pejës. Që nga fillimi, motoja e organizatës ka qenë “Mendo globalisht, vepro lokalisht”, të cilës organizata i ka qëndruar besnike. Misioni i organizatës është “Zhvillimi i komunitetit të njerëzve, grupeve joformale, organizatave, rrjeteve, institucioneve dhe donatorëve përmes avokimit, shkëmbimit të informacionit dhe ndërgjegjësimit” dhe SiV përmes veprimit të saj dëshmon se është një organizatë që kryen veprime lokale bazuar në praktikat më të mira.

II. Informata të përgjithshme

Syri i Vizionit (SiV) në partneritet me Save the Children zyra në Kosovë (SCiK), tash e disa vite është duke punuar në programe mbi monitorimin dhe mbrojtjen e të drejtave të fëmijëve në Kosovë, që kanë për qëllim respektimin e Konventës Ndërkombëtare për të Drejtat e Fëmijës, në kuadër të të cilave ka zhvilluar projekte për të fuqizuar mekanizmat e parandalimit të dhunës, ndëshkimit trupor dhe raportimit të rasteve të dhunës në shkollat e komunave Pejë, Klinë, Prishtinë, Prizren, Mitrovicë, Ferizaj, Gjilan dhe Gjakovë.

Në kuadër të programit tematik në fushën e mbrojtjes dhe qeverisjes me të drejtat e fëmijëve, po punohet në parandalimin e dhunës dhe ndëshkimit trupor ndaj fëmijëve në çdo ambient, krijimin e mekanizmave apo instrumenteve miqësore dhe të besueshme ndaj fëmijëve për të raportuar rastet e dhunës në shkollë. Fuqizimin e grupeve të fëmijëve përmes Asambleve Komunale të Fëmijëve-AKF dhe Grupin Monitorues Respect Our Rights-ROR, në fushën e të drejtave dhe përfshirjen aktive të tyre në vendimarrje në nivel lokal dhe nacional.

Pjesë e rëndësishme e programit është ngritja e kapaciteteve, fuqizimi dhe zhvillimi i grupit të fëmijëve ROR dhe AKF në monitorimin e zbatimit të Konventës Ndërkombëtare mbi të Drejtat e Fëmijëve në Kosovë dhe mbrojtjen e interesit me të mirë të fëmijës duke i bërë pjesë të proceseve dhe politikave vendimarrëse.

III. Objektiva

Syri i Vizionit kërkon të angazhojë një ekspert/e- profesionist/e (ekspert në fushën përkatëse) për hartimin e planit avokues të punës trivjecar planin një vjeçar te fushatës globale të Save the Children “Generation Hope” për grupet e fëmijëve ROR, AKF-të, Hëna dhe UM Za Decu. Plani i punës tre vjecar do të përcaktojë objektiva e zhvillimit të kampanjave vetëdijësues e avokuese nga vetë fëmijët në dy fusha specifike atë të Mjedisit dhe Mosdirkiminimit, dhe rrjedhimisht fëmijët e grupeve të udhëhequra nga ta do ti përcaktojnë aktivitetet e një fushate të përbashkët 1-vjeçare në kuadër të fushatës globale të SC “Generation Hope”.

IV. Kualifikimi i nevojshëm:

- Diplomë universitare (kualifikimi Master dhe edukimi profesional/joformal në fushën e të drejtave të fëmijëve ,vendimarrje dhe komunikimit masiv/avokim është përparësi);
- Dokumentimi i përvojës së punës në hartimin e planeve të punës dhe kampanjave që kanë të bëjnë me të drejtat e fëmijëve gjithëpërfshirjen dhe përfshirjen e tyre në vendimarrje;
- Njohuri për parimet e të drejtave të fëmijëve të bazuara në KDF dhe KB;
- Njohuri mbi politikat zhvillimore të Mjedisit në në Kosovë me theks të veçant ndikimit e tyre në shëndetin e qytetarëve e specifikisht fëmijëve
- Njohuri mbi mekaanizmat dhe legjislacionin në fushën e mbrojtjes nga diskriminimi, specifikisht mosdikriminimine fëmijëve ;
- Shkathtësi të shkëlqyera analitike, udhëheqëse dhe shkathtësi në shkrim dhe komunikim miqësor me fëmijë;
- Shkathtësi të mira në të shkruar dhe të folur të gjuhës shqipe dhe angleze.

V. Detyrat dhe Përgjegjësitë:

Nga eksperti/ja i/e angazhuar pritet:

- Përgatitja e planit të punës dhe metodologjisë, draft-agjendën dhe zhvillimi i materialeve të nevojshme për punëtorinë me fëmijë;
- Udhëheqja e punëtorisë dyditore me fëmijët e grupit ROR, kryesine e AKF-ve, grupit Hëna, grupit Um Za Decu dhe mentorët (si dhe përfaqësues nga SiV dhe SCIK) dhe hartimi i draftit të parë të planit të punës tre vjeçar me rekomandimet dhe sugjerimet e pjesëmarrësve/fëmijëve;

- Dorëzimi i draftit të parë të planit të punës tek SiV, jo më vonë se shtatë (7) ditë pas mbajtjes së punëtorisë për rishikim nga SiV dhe SCiK si dhe mentorët e grupit;
- Dorëzimi i dokumentit final/Planin e punës për aprovim tek SiV jo më vonë se tre (3) ditë pune pas pranimit të komenteve;
- Dorëzimi i raportit me shkrim tek SiV jo më vonë se pesë (5) ditë pune pasi të ketë dorëzuar dokumentin final/planin e punës të aprovuara nga SiV dhe SCiK.

VI. Angazhimi i Ekspertit/es:

Eksperti/ja do të angazhohet me anë të një kontrate për shërbim me Syri i Vizionit- nën koordinimin e Menaxherit të Financave dhe Administratës. Në këtë kontratë do të përcaktohen në mënyrë specifike pikat të cilat nuk janë të përfshira në këtë dokument. Angazhimi do të bëhet gjatë muajit korrik në bazë ditore, ku do të përfshihen aktivitetet e mëposhtme:

Detyrat	Kohëzgjatja
Familjarizimi me punën, dokumentet dhe raportet e Grupit ROR dhe AKF-të, përgatitja e metodologjisë së punës për punëtorin (Metodologjia, agjenda dhe materialet tjera të nevojshme)	1 ditë
Mbajtja e punëtorisë për hartimin e planit të punës me fëmijët e grupit ROR, AKF-të dhe mentorët, <i>percaktimi i objektivave dhe aktiviteteve të kampanjave avokuese</i> duke u bazuar në nevojat dhe propozimet që dalin nga vetë pjesëmarrësit si vijon: <ul style="list-style-type: none"> - Qëllimi; - Objektivat; - Aktivitetet; - Rezultatet e pritura; - Indikatorët - Monitorimi dhe vlersimi i planit të punës 	2 ditë
Hartimi dhe finalizimi i Planit të punës	1/2 ditë
Përgatitja dhe dorëzimi i raportit narrativ	1/2 ditë
Gjithsej:	4 ditë

VII. Kushtet e Pagesës:

Pagesa e ekspertit/es do të bëhet sipas faturës përkatëse për kryerjen e shërbimeve, që do të leshohet nga ai/ajo, ose do të përgatitet nga SiV e do nënshkruhet nga Eksperti/ja. Pagesa do të realizohet përmes transaksionit bankar në valutën Euro. Pagesa do të bëhet pas përfundimit me sukses të punëtorisë dhe dorëzimit të dokumentit final/Strategjisë dhe raportit narrativ të aprovuar nga SiV.

Në bazë të ligjit të Kosovës, Syri i Vizionit është po ashtu i obliguar që të paguajë tatimin (taksa dhe Pension) prej 10% të shumës bruto. Shpenzimet e ushqimit gjatë punëtorisë do t'i mbulojë organizatori.

VIII. Dokumentet e kërkuara dhe procedura për aplikim:

1. Metodologjinë e punës për këtë angazhim, përfshirë planifikimin e mbajtjes së punëtorisë dhe hartimin e e planin e punës (2023-2026);
2. Nje letër interesi që paraqet arsyet që ai/ajo është i/e përshtatshëm dhe ka njohuri dhe eksperiencë në këto fusha apo fusha të ngjashme;
3. Diplomë Universitare qe deshmon kualifikimin e tij/saj;
4. Curriculum Vitae (CV);
5. Propozimi financiar*

**Oferta financiare duhet të jetë e hollësishme për secilën punë që do të realizohet, duke përfshirë, zhvillimin e modulit dhe materialet e trajnimit, mbajtjen e trajnimeve dhe shkrimin e raportit.*

Aplikacionet duhet të dorëzohen në formë elektronike në e-mail adresën: office@syriivizionit.org ose info@syriivizionit.org me subjektin: Aplikacioni për Hartimin e Planit Avokues të punës për Mjedis dhe Mosdiskriminim. **Afati i fundit për dorëzimin e aplikacionit është 27 Qershor 2022 ora 17:00.**

Vetëm kandidatët e suksesshëm do të kontaktohen!